

# Hylli i Dritës

---

*Ubi Spiritus Domini, ibi libertas.*

(II. ad Cor. IH. 17).

---

1. Tue kujtue 25-vjetorin shqyptár	Fq. 317
2. A ka probleme Shqipnija	" 326
3. Ku u vorrue Skanderbegu	" 331
4. Deka e Omerit ( <i>Rapsodi</i> )	" 334
5. Helime mi Deren Gjomarkaj e Mirditë	" 345
6. Thethi — pershkrim i vendit	" 350
7. Parlament dorëdhënë	" 361
8. Giacomo Leopardi	" 365
9. Lauta Bridashe	" 373
10. Para kujtimit t' dishmorve n'Gushtit 1912	" 375
11. Dostojewski si parafolës	" 387
12. Lojët komtare	" 389
13. Kokrra t' vietra Merditore	" 394
14. Pater Françesk Rossi nder shkrime të veta	" 398
15. Fjalë-ari	" 402
16. Gjurmime ...	" 405
17. Në dekë të D. Ndré Mjedës	" 414
18. Lajme rrokull Shqypnis	" 417
19. Rreth botës	" 419
20. Bibljo grafi	" 420

---





## Tue kujtue 25-vjetorin shqyptár.

Anë e kand, në Shqypní, shtypi e intelektualt janë shpervjelë per t'i u bâ gati së kremtes plot kujtime e haré, 25-vjetorit të pamvarsís. Edhe kan arsye.

Kjo nuk ásht vetem një e drejtë e një detyrë, kjo ásht edhe një nevojë.

Po, pikë mâ së pari ásht një nevojë zemre, se një çë do shqyptár, qí sadopak e ndien gjakun e shpirtin e vet në vetvedi, s' ká si mos të preket thekshem prej ksajë rase, e cilla, shkelqyeshem i tfaqë idealin nierzuer e kombtár. Prap mandej, kundra atyne, të cillët kan xanë t' a shikjojn e t' a marrin jeten e rasat e saja si një formalizem të thát, theksojm, se kjo ásht edhe një nevojë jete: kemi nevojë të shohim kjartë e mirë ku kjemë e ku mrrijtem, rrugen qí rrahem, perparimin e bâm, ndeshtrashat qí e ndoqen jeten t' onë kombtare tash një të katert shekulli, si edhe drejtimin e fillin kah ásht nisë kjo Shqypní e ré e sodit.

Kremtimi në fjalë prá nuk do të jetë vetem një kujtim historik i ravizuem porsí në një mozaik. Jo. Aj do t'a rrotullojë krejt jeten e shpirtin shqyptár, do të jetë një studim i thellë e një msim i gjallë per të gjith, por sidomos per ndhëhjeksat e mendimit e t' idealogís shqyptare.

Tue u a lanë historjakve t' i mledhin e t' i çpallin dokumentat, veprat, luftat, vuejtjet, mundimin e êmnat e vigajve shqyptarë, duem të ndalemi teksá t' a analizojmë idén shqyptare, si u zhvillue, e në çë shkallë ká mrrijtë të gjindet shqyptarizma e shqyptarve.

\*  
\*  
\*

*Ernoftë Shqypniya!* thotë si zyrtari qí merr rrogen e rron me Shqypní, si intelektual, qí por shkruen, bisedon e

